

GEMEENTEBULLETIN

21 MEI 2021



EREDIENSTE: AANLYN EN IN DIE KERK

Sondag 23 Mei 2021

100 persone kan die eredienste in die kerkgebou bywoon en 20 persone die diens in die kapel. **Geen besprekings is nodig nie.** Eredienste is ook aanlyn op www.stellenberg.co.za, of die gemeente se YouTube-kanaal beskikbaar.

Pinksterfees 08:30 in die kerk (Nagmaal)

Ds. Why Duvenhage (Span 3/4)

Meditatiewe diens 09:00 in die kapel

Ds. Philipp Dietmann

Familiediens 09:30 in die kerk (Nagmaal)

Ds. Marius Breytenbach (Span 9/7)

Relevantdiens 18:00 in die kerk (Nagmaal)

Ds. Hanno Ackerman

BEROEPING VAN 'N NUWE LERAAR

Ds. Callie Visagie tree in Januarie 2022 af en ds. Why Duvenhage in Julie 2022. Slegs die vakature van ds. Callie Visagie se pos word gevul en die pos is reeds geadverteer. 'n Beroep sal dan in Julie/Augustus tydens 'n spesiale kerkraadsvergadering uitgebring word. Diensaanvaarding is Februarie 2022. Lidmate wat graag 'n kandidaat wil nomineer, kan 'n e-pos aan lindy@stellenberg.co.za te stuur.

GEMEENTEFEEES 10 TOT 15 AUGUSTUS

Ons vier die gemeente se vyftigste verjaarsdag met 'n feesweek vanaf 10 tot 15 Augustus. Teken dit asseblief in jou dagboek aan. Die volledige program sal binnekort beskikbaar gestel word.

KONTAK ONS

021 976 4519

081 045 2428

navrae@stellenberg.co.za

www.stellenberg.co.za

ASEMSKEP-

GEBEDSBYEENKOMS

Elke Dinsdag om 18:00 in die kapel.

GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.

DAAGLIKSE

STEMBOODSKAPPE

Indien jy graag na die daaglikse boodskap ('n stemopname deur leraars) op jou selfoon wil luister, stuur asb. 'n WhatsApp, of 'n Telegram-boodskap met jou naam + van + stemboodskap na 081 045 2428.

DEUROFFER VANDAG

Noot-vir-Noodfonds

ANNIBRAND (KATEGESE)

Annibrand Junior-groepe kom vanaf 10:15 tot 11:00 in die grootsaal bymekaar. Ons sluit met 'n lekker opwindende program by die Pinksterfees aan. Daar is geen lesmateriaal vir die week nie.

GRAAD 7'S

Ons het opwindende nuus vir die graad 7-Annibrandgroep. Vanaf Sondag 6 Junie sluit die groep om 17:30 in die kerk by die senior kategesegroep aan en woon die Relevantdienste om 18:00 saans by. Vanaf 19:15 (direk na die diens) skakel hulle by kleingroepbesprekings in. Kom ervaar 'n voorsmakie van die jeugbediening en die hoërskoollewe.

'N NUWE BYBELSKOOLREEKS

Jy kan steeds inskakel by die nuwe Bybelskoolreeks wat weer op 24 Mei 19:00 tot 20:30 in die kerkgebou hervat. Sessies is ook die volgende dag aanlyn beskikbaar. Die Bybelskoolreeks bestaande uit twaalf sessies, gaan die unieke boodskap van die Bybel se klein profete verken. Kom ontdek die wyse waarop Bybelboeke soos Hosea, Joël, Amos, Obadja, Jona, Miga, Nahum, Habakuk, Sefanja, Haggai, Sagaria en Maleagi vandag by ons leefwêreld aansluiting vind. Die vorige aand se sessie sal die volgende dag op www.stellenberg.co.za beskikbaar wees. 'n Kort handleiding sal ook beskikbaar gestel word.

Aanbieder: Ds. Marius Breytenbach. Kursusgeld: 'n Donasie van R40. Bespreek by Karin Barter 021 9764519 of karin@stellenberg.co.za.

ONDERSTEUNING AAN MEDEWERKERS

Geloofsofferkoeverte waarin bydraes ter ondersteuning van ons medewerkers geplaas kan word, is in die voorportaal beskikbaar. Indien jy verkies om jou bydrae aan die medewerkers elektronies te maak, EFT na: Absa, tjekrekening 145 058 0011, takkode 632005. Gebruik "medewerkers" as verwysing.

**STELLENBERG
ONDERSTEUNING-
SENTRUM**

SOS bied berading en mediasiedienste deur professionele persone aan. Spraak- en arbeidsterapeute, 'n besigheids- en lewensafrieter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za.

BREIGROEP

Ontmoet op Maandag 7 Junie om 09:30 in die markplein. Kontak gerus vir Ria McMicken by 021 948 5456/ 083 519 0602.

**KYK NA DIE EREDIENS
OP JOU SELFOON**

WhatsApp, of stuur 'n Telegramboodskap na 081 045 2428 met jou naam + van + aanlyn eredienste. Jy sal dan weekliks die skakel na die aanlyn diens per WhatsApp/Telegram op jou selfoon ontvang.

HELPERS VIR SOP KOOK BENODIG

Help asseblief met die volgende:

- Kook sop tuis en gee dit in bevrore formaat op Donderdae deur die loop van die dag (voor 15:00) by die markplein af.
- Kontantbydraes vir die hande-en-rande-projek is ook welkom en kan na ABSA, tjekrekening 145 058 0011, takkode 632005, oorbetal word. Gebruik asb. "hande en rande" as verwysing.

Kontak asseblief vir Anéne Nortier 083 581 6930 indien jy kan help.

AFVALWOL EN -MATERIAAL

Die breigroep benodig wolskenkings. Die groep brei serpe en musse wat tydens die Karoo-uitreike aan minderbevoorregte kinders uitgedeel sal word. 'n Weldoener maak ook pragtige kinderklere uit afvalmateriaal wat ook tydens die Karoo-uitreike versprei sal word.

Bydraes van afvalmateriaal word vir die projek benodig en kan by die kerkkantoor afgegee word.

DERTIG-PLUSSERS

Ons wil graag 'n bediening van stapel stuur waarby ons dertig-pluslidmate kan inskakel en 'n geestelike tuiste vind tussen mense wat 'n gemeenskaplike lewensfase deel. In die lig daarvan wil ons jou graag na die volgende kursus uitnooi om die bediening te kan begin. Volg die skakel om die aansoekvorm in te vul. Ons wil graag bepaal of daar genoeg belangstelling vir so 'n bediening is.

https://docs.google.com/forms/d/e/1FAIpQLSdaxiwOdFhcf2Z4Awcl7kllvnFZ1usjwoZtcE-yl2ujGbksaQ/viewform?usp=sf_link

Die Relevantdiens bied ook 'n ruimte waar ouers, jongvolwassenes en dertig-plussers tuis sal wees. Ons wil jou dus uitnooi om Sondagaande om 18:00 by dié erediens in die kerk aan te sluit.

Kontak gerus vir ds. Hanno Ackerman met navrae of voorstelle vir die bediening by hanno@stellenberg.co.za.

EDELWEISS

Donderdag 27 Mei
om 14:30

Klaagliedere 1:
Alles van voorheen is
verlore . . .

Sondag 23 Mei
om 17:00
Nagmaal in die
versorgingseenheid.

Sondag 23 Mei
om 17:30
Nagmaal in die
eetsaal.

Die Gees laat ons
goeie vrug in ons
gedrag uitdra.
Gal. 5:16-6:2

EDELWEISS WIT OLIFANTTAFEL

Ondersteun gerus
Edelweiss se Wit
Olifantverkoping op
Vrydag 28 Mei om
09:00. Dit word buite
op die parkeerterrein
aangebied.

TEKORT AAN EREDIENSWERKERS

Daar is 'n dringende tekort aan eredienswerkers by die familiediens. Ons doen 'n beroep op gesinne wat die diens bywoon om asseblief hulle hulp aan te bied. Jy sal ongeveer een keer per maand 'n diensbeurt ontvang. Kontak Odette, odette@stellenberg.co.za of ds. René Potgieter by rene@stellenberg.co.za.

BLOMME IN DIE KERK

Indien jy bereid is om een keer per kwartaal verantwoordelikheid te neem vir die voorsiening van blomme in die kerk, kontak asseblief vir Odette by 021 976 4519/odette@stellenberg.co.za. Daar is geen voorskrifte nie. Jy kan jou kreatiwiteit vrye teuels gee.

EDELWEISS BAK PANNEKOEK

Edelweiss bak pannekoek op Vrydag 28 Mei. Plaas asb. jou bestelling vir pannekoeke @ R7 elk voor of op Woensdag 26 Mei by: mev. Louw 021 976 1150 / mev. Opperman 083 278 2099/edelweissontvangs@gmail.com. Bestellings kan op 28 Mei om 12:00 by Edelweiss afgehaal word.

FINANSIËLE BYDRAES

Leraars en die kerkraad is opreg dankbaar teenoor lidmate wat die gemeente se werksaamhede finansiëel ondersteun, te midde van die finansiële uitdagings wat die Covid-19-pandemie ook aan lidmate stel. Bydraes kan soos volg gemaak word:

EFT-betaling

Dit kan oorbetaal word na ABSA-tjekrekening 145 058 0011, takkode 632005.

Kontantbydraes

Kan by die kerkkantoor inbetaal word, of in die beveiligde posbus op die kerkkantoor se stoep gegooi word.

SnapScan



GEMEENTE-SELFOON

Die gemeente het nou 'n selfoonnummer 081 045 2428.

Navrae kan per WhatsApp of Telegram-boodskap na dié nommer gestuur word.

ELEKTRONIESE NUUS

Maak seker dat jy elektroniese nuus van die gemeente ontvang.

Jy kan die bulletin, asook die skakel na die aanlyn eredienste weekliks per e-pos ontvang, asook die gemeente se maandelikse nuusblad, *Stellenberger*. Stuur jou e-posadres na sanel@stellenberg.co.za om op die verspreidingslys geplaas te word.